



## Damondas da baghegiar

Nr. 66/2022

Datum da publicaziun: 03-06-2022

Patrun: Bearth Otto, 7176 Cumpadials

Representant: Rafael Guldemann GmbH, 7166 Trun

Liug e parcella: Cumpadials-Via Camon; 4065

Object: remplazzar pegna d'ieli cun ina pumpa da calira e niev esch

Il profils ein tschentai ed il plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-06-2022

*Cumissiun da baghegiar*

## Radunonza da vischnaunca

La proxima radunonza da vischnaunca ha liug **mardis, ils 14 da zercladur 2022** allas 20.00 uras a Surrein.

### *Gliesta da tractandas*

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dil 22-03-2022
4. Rendaquen 2021
5. Rapport dil revisurs ed approvaziun dil quen annual 2021
6. Tractaziun ed approvaziun dalla lescha davart l'indemnisaziun dallas prestaziuns dalla vischnaunca Sumvitg en connex cul provediment d'electricitad (DC 870.000)
7. Elecziun dil president dalla cumissiun da meglieraziun
8. Orientaziuns
9. Varia

Dils documents tier la tractanda 6 sa vegnir priu investa sin canzlia communal durant las uras da spurtegl ni sin la pagina d'internet [www.sumvitg.ch](http://www.sumvitg.ch). Suentier la radunonza communal vegn purschiu in aperitiv.

Sumvitg, 03-06-2022

*Suprastonza communal*

## **Approbaziun dalla revisiun parziala dalla planisaziun locala**

Sebasond sin art. 49 dalla lescha cantunala da planisaziun (LPTGR) ha la Regenza dil Cantun Grischun approbau cun conclus dils 17 da matg 2022, protocol nr. 452/2022, la revisiun parziala dalla planisaziun locala dalla vischnaunca Sumvitg decidida dalla radunonza communal il 15 da december 2021.

### **Mieds da planisaziun approvai:**

- midadas lescha da baghegiar (art. 38 e 39)
- Revisiun parziala dil plan da zonas, nord, 1:7'500
- Revisiun parziala dil plan da zonas, sid, 1:10'000
- Revisiun parziala dil plan da zonas, Rabiun, Igriu - Cahuons, Sogn Benedetg - Laits, Sumvitg, Surrein - Reits, 1:2'000
- Revisiun parziala dil plan da zonas, Cumpadials, Clavadi, Pardomat, Laus, Val, 1:2'000
- Revisiun parziala dil plan general d'avertura, traffic, nord, 1:5'000
- Revisiun parziala dil plan general d'avertura, traffic, sid, 1:5'000

### **Cuoz da publicaziun:**

3 da zercladur entochen il 4 da fenadur 2022 (30 dis)

### **Liug e temps da publicaziun:**

Mieds da planisaziun approvai ed il conclus dalla Regenza dil Cantun Grischun ein exponi en canzlia communal Sumvitg durant il temps uffizial da spurtegl.

Sumvitg, 03-06-2022

*Suprastonza communal*

## **Uffeci civil Surselva**

### **Naschientscha**

**Decurtins Elin**, naschida il 28-05-2022 a Glion, affon dad Ivo ed Irina Decurtins, sesents a Sumvitg.

Sumvitg, 03-06-2022

*Controlla da habitonts*

## **Di dallas portas aviartas en Serenera Zavràgia, sonda, il 11-6-2022**

### **Preziadas convischinas, preziai convischins**

Igl onn 1992 ei la Serenera Zavràgia vegnida prida en funcziun. Questa stad, a caschun da 30 onns menaschi, lein nus dar a Vus la pusseivladad da visitar quei impurtont implont. Era dalla schigentera solara da gliet Cadi sa vegnir priu investa. Il consorzi Serenera Zavràgia envida l'entira populaziun ad in di dallas portas aviartas, cun porscher entginas guidas tras il menaschi da serenar. Ei vegn endrizzau ina sempla ustria, nua che mintga visitader e visitadra retscheiva ina ligiongia dil gril ed ina bubronda. Ei fagess a nus grond plascher dad astgar beneventar vus en Serenera Zavràgia. La Serenera Zavràgia sa vegnir visitada naven dallas 10.00 tochen ca. allas 16.00. Cordialmein envida

*Consozi Serenera Zavràgia  
Causerenera cun substitut*

## **Pleiv Sumvitg**

### **Preavis**

Caras vischinas e prezias vischins, suenter treis onns, cun pausas sfurzadas pervia da Corona, organisain nus uonn in viadi. Quel meina nus a **Madonna del Sasso, la sonda, ils 10 da settember 2022**. Suenter il survetsch divin gudin nus in bien gentar sper il Lago Maggiore. La riva dil lag envida lu pli tard ad ina biala spassegiada per tgi che ha plascher. Vein nus saviu far gust? Lu reservei gia oz il datum ni s'annunziei gest tier Daniela Wieland, telefon 081 943 23 08 (la sera suen ter las 19.00) ni mail [danielawieland@bluewin.ch](mailto:danielawieland@bluewin.ch). (Ina ulteriura pusseivladad da s'annunziar suonda pli tard.) Cordials salids *Sur Saji ed ils commembers dil cussegl pastoral*

## **Societad da tir Vial Sumvitg**

Uonn organischescha la Societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/-as ni amitgs dil sport da tir da prender part dil tir campester, il qual ei gratuits. Ei legrass nus zun fetg dad astgar beneventar Vus in da quels dis cheu tier nus a Plaun Petschen. Per il beinstar corporal ei era garantiu. Il tir ha liug **venderdis, ils 10 da zercladur**, dallas 18.00–20.00 e **sonda, ils 11 da zercladur**, dallas 14.00–17.30. Il tir campester preliminar ha liug **venderdis, ils 3 da zercladur**, dallas 18.00–20.00, medemamein a Plaun Petschen. Cordialmein envida la *Societad da tir Vial Sumvitg*

## **Meisa da miezdi (gentar communabel) dalla Pro Senectute a Cumpadials**

Pro Senectute Surselva organischescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun.

Liug: «Ustria dalla Staziun», 7176 Cumpadials

Datum: venderdis, ils 10 da zercladur 2022, allas 12.00

**Annunzias:** Ein da far entochen **mesjamna-sera** tier «Ustria dalla Staziun», Cumpadials, tel. 081 943 19 22